



PORTA-VOZ
V GOVERN U
KONSTITUSIONÁL



**KOMUNIKADU
BA MEDIA**

Loron 18 fulan setembru 2014
Dili, Timor-Leste

Timor-Leste simu prémiu hosi Organizasaun Mundiál Saúde

Organizasaun Mundiál Saúde ba Rejiaun Sudeste Aziátiku (OMS-SEARO) fó “Prémiu Exelénsia iha Saúde Públika Rejiaun nian” ida ba Programa Nasional Kontrolu Malária (PNKM) Timor-Leste nian.

Diretor Rejionál OMS ba Sudeste Aziátiku, Dr. Poonam Khetrapal Singh, entrega prémiu ne'e iha loran 10 fulan-setembru, durante Sesau Sorumutuk OMS-SEARO nian ba-67, iha Daca – Bangladexe, no Ministru Saúde, Sérgio Lobo, lori Timor-Leste nia naran simu prémiu ona ne'e. Ida-ne'e mak hanesan prémiu ida hosi prémiu rua ne'ebé fó iha loran ne'e.

Iha tinan 2006 rejista tiha ona kazu malária hamutuk 223,000 iha Timor-Leste no ema na'in-68 resin maka tanba moras ne'e. Iha tinan kotuk, número kazu ne'e tuun tebetebes ba 1.042, ho kazu mate iha tolu de'it. Ho insidénsia ida hosi < kazu 1 ba kada populaun 1000, Timor-Leste atinji ona Objetivu Dezenvolvimentu Milénio (ODM) ba funu hasoru malária.

Rezultadu ida ne'ebé mak di'ak tebetebes tanba esforsu maka'as ba prevensaun ba moras ne'ebé hala'o iha rai-laran tomak, ho orientasaun husi PNKM, hetan apoiu hosi asisténsia téknika no kompromisu político ne'ebé forte. Entre fatores hirak ne'ebé kontribui hodi hetan rezultadu ba programa ne'e mak implementasaun teste foun sira kona-ba diagnóstiku lais, introdusaun kona-ba tratamentu ba malária ne'ebé eficiente liu no hadi'a asesu ba sentru saúde sira. Funzionáriu sira programa kontrolu malária oras ne'e daudaun ativu hela iha subdistritu 65 Timor-Leste nian.

Asaun sira ba prevensaun moras nian mós hetan prioridade hotu, inklui fahe rede moskiteira nian sira ba inan isin-rua kona-ba kuidadu molok atu tuur-ahi no ba populaun porsentu 80 ne'ebé moris iha área sira ho risku boot. Pulverizasaun ba abitasaun ho insetisida asaun reziduál nian mós hala'o iha área sira-ne'e.

Dr. Singh hatete katak Programa Nasional Kontrolu Malária Timor-Leste nian merese hetan felisitasaun tanba ninia susesu no merese "...atu hahii tanba salva ema nia moris no atinje ODM ba malária nian iha tempu ne'ebé badak no ho rezultadu ida-ne'ebé dramátiku tebetebes". Diretor Rejionál OMS ba Sudeste



Ágio Pereira
+670 7723 0011
agio.pereira@cdm.gov.tl
govtlmedia@gmail.com
www.timor-leste.gov.tl

Aziátiku haree ona katak esforsu hirak Timor-Leste nian "...bele hakbiit di'ak liu programa kontrolu malária seluk iha nasau sira ne'ebé foin dezenvolve".

Portavós Governu nian, Ágio Pereira, hato'o parabens ba traballadór sira Saúde Pública nian no ninia parseiru sira iha Timor-Leste, tanba hetan rezultadu ne'ebé mak di'ak tebtebes; "hadi'a kondisaun moris povu Timoroan nian no rezultadu husi esforsu maka'as iha tinan barak nia laran". **FIN**



Ágio Pereira
+670 7723 0011
agio.pereira@cdm.gov.tl
govtlmedia@gmail.com
www.timor-leste.gov.tl